



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԱԽԱԳԱՆԻ
ԱՇԽԱՏԱԿԱԶՄԻ ՂԵԿԱՎԱՐ**

0077, Երևան, Մարշալ Բաղրամյան պող. 26

«16» 04 2015 թ.

Հ 7 - 592

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ
ՊԱՐՈՆ Դ. ՀԱՐՈՒԹՅՈՒՆՅԱՆԻՆ**

Հարգելի պարոն Հարությունյան,


Ի պատասխան Ձեր 2015 թվականի ապրիլի 2-ի թիվ 02/12.6/5242-15 գրության՝ հայտնում եմ, որ «Հայաստանի Հանրապետության կառավարության և Ամերիկայի Միացյալ Նահանգների կառավարության միջև «Ավելի մրցունակ և զանազանեցված մասնավոր հատվածի շուրջ» օժանդակության համաձայնագրի թիվ 6 փոփոխության կնքման առաջարկությանը համաձայնություն տալու մասին» ՀՀ կառավարության որոշման նախագծի վերաբերյալ սկզբունքային դիտողություններ և առաջարկություններ չկան:

Միաժամանակ, Ձեզ եմ ուղարկում «Հայաստանի Հանրապետության կառավարության և Ամերիկայի Միացյալ Նահանգների կառավարության միջև «Ավելի մրցունակ և զանազանեցված մասնավոր հատվածի շուրջ» օժանդակության համաձայնագրի թիվ 6 փոփոխության վերաբերյալ ՀՀ Նախագահի աշխատակազմի փորձագիտական-վերլուծական վարչության եզրակացությունը:

Առդիր՝ 1 էջ:

Հարգանքով՝

Վ. ՍԱՐԳՍՅԱՆ



Եզրակացություն

«ՀՀ Կառավարության և Ամերիկայի Միացյալ Նահանգների Կառավարության միջև «Ավելի մրցունակ և զանազանեցված մասնավոր հատվածի շուրջ» օժանդակության համաձայնագրի թիվ 6 փոփոխության նախագծի (այսուհետ՝ Նախագիծ) վերաբերյալ

Նախագծի վերաբերյալ հայտնում ենք հետևյալ նկատառումները.

1. Նախագծի 4-րդ կետով լրացվող՝ 5.4 բաժնի գ. կետով նախատեսվում է սահմանել նախապայման, ըստ որի ՀՀ կառավարությունը պետք է ՀՀ Ազգային ժողով ներկայացնի «Բնապահպանական և բնօգտագործման վճարների մասին» ՀՀ օրենքի փոփոխություն՝ Արարատի և Արմավիրի մարզերում ձկնաբուծարաններում օգտագործվող ստորգետնյա ջրի համար ջրօգտագործման վճարը սահմանելով ծավալի 100%-ի չափով (*հարկ է նշել, որ գործող օրենքի համաձայն՝ նշված ջրօգտագործման համար վճարի հաշվարկն իրականացվում է սպորտերկրյա ջրերի արդյունահանված պաշարի ընդհանուր ծավալի 50 փոկոսի հիման վրա*):

Գտնում ենք, որ լրացուցիչ քննարկման կարիք ունի վերոհիշյալ նախապայմանի սահմանման նպատակահարմարությունը և առաջարկում ենք հարցին անդրադառնալ ՀՀ-ում ձկնաբուծարանների գործունեության և ոլորտի հետագա զարգացման վրա վերջինիս հնարավոր ազդեցության գնահատումից, ինչպես նաև ՀՀ-ում գործող ձկնաբուծարաններում ջրի շրջանառության փակ և կիսափակ համակարգերի ներդրման փորձնական ծրագրերի իրականացումից և արդյունքների ամփոփումից հետո:

2. Միաժամանակ, առաջարկում ենք խմբագրել Նախագծի 4-րդ կետով լրացվող՝ 5.4 բաժնի ա. կետը՝ նախատեսելով, որ ՀՀ կառավարությունը ոչ թե ապահովի քաղաքացիական ավիացիայի նոր օրինագծի ընդունումը ՀՀ Ազգային ժողովի կողմից, այլ ՀՀ կառավարությունը քաղաքացիական ավիացիայի նոր օրինագիծ ներկայացնի ՀՀ Ազգային ժողով:

ՀՀ ՆԱԽԱԳԱՀԻ ԱՇԽԱՏԱԿԱԶՄԻ
ՓՈՐՁԱԳԻՏԱԿԱՆ-ՎԵՐԼՈՒԾԱԿԱՆ
ՎԱՐՉՈՒԹՅԱՆ ՊԵՏ



Ա. ԽԱԶԱՏՐՅԱՆ
11.04.15թ.